

B. N. C
FIRENZE
1069
11

1069. 11

1.1.1
L. 1.1.1
2.1.1





PROCES
VERBAL
DE LA
REVOLTE

FAICTE PAR MESSIEURS

de Polctiers à leur Gouver-
neur, Monsieur le Duc
de Roannes.

ENVOYE' A SA MAIESTE'.



1614.





3
PROCES VERBAL DE LA
REVOLTE FAITE PAR MESSIEURS
de Poitiers, à leur Gouverneur, Monsieur
le Duc de Roannes.

Enuoyé à sa Majesté.

LE 25. Iuin 1614. i'arriuay en la ville de Poitiers, & y feu receu par le Maire, & les Escheuins, & Bourgeois qui me cōduirent à mon logis, où y estant fus prié par le Maire de souper à son logis, avec lesdits Escheuins, & le Sr. Londigny Frezeliere, Lieutenant criminel, depuis esleu maire: estant prié de m'y acheminer, Mr. l'Euesque de la ville me vint trouver, & me pria d'oublier les choses passées, & les entreprises qu'il auoit fait sur ma charge, ce que ie luy accorday fort volontiers, & le pryay de n'y plus entreprendre à l'aduenir, & en l'allant cōduire ie le trouua y qu'il estoit assisté de ôze caualliers ayāt le pistoller à l'arçon de la selle, & quelque 40. hommes de pied, ayant chacun la carrabine dessous le manteau, & conduits par le nômé Bourbeau, sergēt de la compagnie de l'Abbé de nostre Dame, & estant à souper avec lesdits Maire & Escheuins, d'autant qu'a mon arriuee i'auoy trouué toutes les rües barriquadees. ie re

solus avec eux, & ledit Lieutenant Criminel &
 gentils-hommes cy dessus mentionnez, de faire
 publier des deffences à toutes personnes de nō
 faire barriquades à l'aduenir, & ne rendre les
 chaisnes sans mon commandement, & enjoit
 à tous ceux qui auoient barriquades pres ou de-
 uant leurs maisons de les deffaire ou oster, & en
 cas d'allarme de ce rendre à la porte qui leur se-
 roit escheuë ou en sondit quartier pour y rece-
 uoir mesdits commendements: ce qui fut pu-
 blié le leudy matin 26. dudit mois, & receu en
 tres bonne part de tous les gens de bien, & l'a-
 presdisnée fus visiter ledit sieur Euesque, ou
 estant fut aduisé entre luy & moy & le sieur de
 la Quielle que i'assemblerois a mon logis les
 sieurs de Sainte Marthe Tresorier & Maire, le
 sieur de S. Clair avec ledit sieur de la Quielle à
 fin d'enuoyer vers Monsieur le Prince le sieur
 de la Lalletiere qui y estoit le iour preccdent de
 la part de ceux de la ville, auquel il auoit pro-
 mis de ne se presenter pour entrer en ladite vil-
 le iusques à ce que sa Majesté en eust ordonné,
 & parce que l'on voyoit que ledit sieur Prince
 s'approchoit de ladite ville à vne lieuë pres, cō-
 me i'eus despesché le sieur de Sainte Marsolle
 auquel il fit mesme promesse, vient vers moy le
 sieur de Rouuré de la part dudit sieur Euesque

pour me dire que ie fisse fermer la porte de S. Cipryan, auquel ie fis respōce que ie ne jugeois pas à propos de la faire fermer pour ce qu'il n'estoit que trois heures, mais que i'y donnerois si bon ordre qu'il n'en arriueroit aucun inconuenient, & que mesme i'y auois enuoyé le sieur Cheuallier l'un des Cappitaines de ladicte ville, auquel ladicte porte estoit escheuë cedit iour, lors ledit Rouuré me dist que le peuple murmuroit & se vouloit esleuer, ce que voyant ie m'acheminay à la porte de Saint Cyprien avec lesdits sieurs de la Quielle, Brochard, de Saint Clair Procureur du Roy & le Sergent Major de ladicte ville, & par les chemins, ie n'appeceus aucun fousleuement de peuple: mais approchant de ladicte porte ie rencontray le nommé Berland, homme factieux & seditieux, qui alloit pour faire sous-leuer le peuple: mais il fut retenu par ma presence, & se retira: estant à ladite porte i'ay trouué ledit cheualier, avec 50. ou 60. de ses compagnons, & luy enjoit derechef de prendre garde à ce qui se passeroit, & mettre de bōne sentinelle hors la ville. Et moy retournant vers mon logis; ie trouuay homme qui me dist que l'on'armoist vers l'Euesché, au quartier dudit Abbé de nostre Dame, où m'acheminant avec ledit de la Quielle, & sergent Ma-

jor, ledit de saint Clair ne m'y ayant voulu assister; se doutant bien qu'il m'y arriueroit du mal, & de fait estant denant la porte dudit Euesché ie trouuay qu'on auoit tendu les chesnes, & mis les cadenzatz à icelles, & voyant plusieurs hommes armez, i'allay à eux & leur demanday pourquoy ils s'armoient & tendoient les chesnes, ils me dirent qu'ils voyoient plusieurs caualliers hors la ville & pres les fauxbourgs, ie leur fit response que ie venois dehors la ville, & n'auois veu personne qui leur peust mes faire, & que quand ainsi seroit qu'estant leur gouuerneur ie voulois mourrir avec eux, & estre le premier à m'opposer cōtre ceux qui voudroient entreprendre sur la ville, & que ie ne iugeois pas qu'il y eust apparece de prendre les armes, & qu'il falloit vser de plus de moderation, & que i'auois plus d'affectiō pour eux que pour moy-mesme, & à mesme tēps récōtray celuy qui posoit ledits cadenzatz esdites chesnes, auquel ie fis inioinctiō de les ouurir, & de fait ie fis destendre lesdites chesnes en quatre endroits, qui sont les quatre aduenües dudit Euesché, & ayant esté aduertuy par le chanoine nommé Esnet, que le sieur de la Sigongne, l'un des six capitaine, & auquel i'auois mēdé quelque temps auparauant par ledit sergent Major, qu'il n'eust à abandonner la

porte du pont Ioubert, à laquelle ledit sergent
 Major l'auoit trouué, & qui luy estoit escheuë
 ledit iour: & qui toutesfois mesprisâ mes com-
 mendements, il l'auroit quittée & auroit tiré
 hastiuement vers l'Euesché: ie m'acheminay à
 ladite porte, où estant ie trouuay que l'on auoit
 abattu le rateau, combien qu'il y eust cinquãte
 soldats, & l'un des sergens de la compagnie nô-
 mé la Haye, auquel ayant demandé pourquoy
 il auoit fait abattre ledit rateau, veu les deffen-
 ces que i'auois fait faire, il me dist que c'estoit
 la coustume, & l'ayant enquis pourquoy son
 Capitaine auoit abandonné ladite porte, il me
 fit responce que ledit sieur Euesque l'auoit mē-
 dé à grande haste, ie leur fis quelques remon-
 strances, & les priay de se comporter à l'aduenir
 modestement, avec les mesmes protestations
 que dessus, & m'estant mis dans le carrosse du-
 dit sieur de la Quielle, qu'il auoit enuoyé que-
 rir pendant que i'estois à ladiete porte, ie voulus
 retourner par deuers ledit Euesché, & voir si le
 peuple estoit encore armé, attēdu que ie leur a-
 uois enjoint de se desarmer, & faire destēdre les
 chesnes, lesquelles ie trouuay de rechef tēduës
 & cadēnattēes & ledit sieur de Rouure qui vint
 au deuant de moy me disant de rechef, & pour
 la troisiēme fois, que ledit Sr. Euesque ne pou-

uoit plus retenir le peuple, lors ie le priay de fai-
 re ouurir les cadenats desdites chesnes pour fai-
 re passer le carrosse, i'enuoyay audit Euesché
 querir les clefs desdits cadenats, qui furent fort
 lōg tēps à venir, & ē fin m'ayāt ledit Sr. Euesque
 enuoyé lesdites clefs, & ouuerture estant faite,
 les chesnes abattuës, le carrosse passe iusque de-
 uant la porte dudit euesché, lors ie priay ledit
 dela Quielle de metre pied à terre, & aller
 trouuer ledit Sr. Euesque, de ma part, & luy di-
 re que ie trouuois mauuais de ce qu'on faisoit
 tendre lesdites chesnes, & faisoit armer tout le
 peuple, à mesme tēps qu'il fut descendu du car-
 rosse voyāt quātité d'hōmes armez, i'ay cōmē-
 cé à leur remonstrier qu'ils faisoient mal de s'ar-
 mer si legeremēt, & que le seruice du Roy n'e-
 stoit pas de viure en ceste forme, mais qu'aux
 alarmes qui venoient il falloit simplement ce
 rendre à son quartier, & garnir les murailles &
 portaux, sans vser de forme si violante & sedi-
 tieuse, cōme de tendre les chesnes & faire bar-
 riquades, encores moins de sonner le tocsaing,
 vn soldat de la troupe estant au milieu de la
 presse respondit qu'on ne laisseroit pas de le fai-
 re nonobstant mes ordonnances, & ayant de-
 mandé qui estoit ce mutin qui parloit? tous ce
 tournerent vnanimement, & à l'instant veit sor-
 tir vne

tir vne quantité d'autres soldats dudit euesché,
 ayans picques, mousquets & arquebuses, & lors
 entendit dire à haute voix, voicy les traites, &
 en mesme temps le tocsain sonna, & me fut tiré
 plusieurs coups de hallebardes, & picques, que
 les miens parirēt, & mesmes ledit Sr. de la Qui-
 elle, & les Srs. de Chamonfseau, & Messeuiere,
 en parirent leur part, & ne sceurent si bien faire
 que ie ne feusse vn peu touché sur le nez, dont
 le sang en sorty, me fut tiré quatre coups de
 pistolets, qui Dieu merci ne s'en allerent point,
 & feirent seulement faux feu, & a linstant fut
 conduit par ledit Sr. de la Quielle, Chamonf-
 seau Abbé de nostre Dame, lequel Abbé de
 nostre Dame estoit sorty dudit Euesché, où e-
 stant ietté par la multitude du peuple qui y e-
 stoit, ie trouuay en teste ledit Sr. Euesque, armé
 d'une cuirasse, & d'une picque à la main, & luy
 dit, quoy Mr. quelles façons de faire sont ce cy
 que d'assassiner les gens de bien, & ceux qui ont
 l'honneur d'estre ce que ie suis, encores sans su-
 iet ny aucune apparence? où à on appris à ser-
 uir le Roy de la façon il me semble que ce ne
 sont pas les formes, là dessus quelque quatre
 vingt où cent cinquante qui estoient armez en sa
 cour, avec luy, me voulurent quereller, & me dirēt
 qu'ils n'estoient pas gens à souffrir les ordonnā-

ces que l'on leur feroit entēdre, si nō que celles qu'ils auoient acoustumē: & lors vn de mēs amis s'approcha de moy, & me dist à l'oreille que ie me retirasse en vne sale haute, & par la-se peut, autrement qu'il me pourroit mes aduenir: auquel lieu estans tous les principaux de la ville, ausquels ils estoit permis d'aller audit Euesché: me vindrent trouuē pour me tesmoigner l'extreme desplaisir qu'ils auoient de l'offēce que i'auois receuē, & ē haussioēt les espaulles ne pouuant, peut-estre, dire librement ce qui leur en sembloit. Et pour le regard dudit sergent Major, ne voulut, n'y ne peut me suiure audit Euesché, pource qu'il n'y faisoit pas seur pour luy, & se retira, à grand peine, dans la ville, & non sans hazard, pour donner aduis du tout au Maire, m'oubliant de dire que tous les principaux de la ville s'offroient fort à moy, disant que tous les gens de bien mourroient avec moy, plustost que ie receusse de desplaisir, tellement que ie fus contraint de souper là dedās, & fus iusques à vne heure apres minuit esperant tousiours qu'on me laisseroit retourner à mon logis, ce que ie ne peus iamais obtenir n'ayāt pas vn de mes amis particuliers; a qui ie peusse faire demander seureté au peuple, pour m'y en aller coucher, car tous ceux qui estoient

amis de l'Euesque me dissuaderēt, & disoiēt que le peuple ne le vouloit pas, & qu'il n'y auoit secreté pour moy que là dedās ce qu'il semble que i'estois obligé de croire, d'autant que le Sergēt major ayant par mon commandement aduertty les Capitaines des six compagnies, de faire trouuer deux escouïades de chacune cōpagnie à la place publique du marché vieil, afin de leur faire entendre l'intention de sa Majesté, & la forme qu'ils deuoient garder, pour vtilement faire son seruice: Le Sieur Pidoux accessieur l'vn des six Capitaines luy respondit que cela ne seroit point, & que ledit sieur Euesque n'estoit mis en ladite ville que pour dire son Breuiaire & faire son office d'Euesque seulement, ains pour gouuerner la Ville & executer ce qu'il auoit de commission particuliere, y adjousta le ledit Pidoux accessieur en presence mesme du Sieur Maire en pareils & semblables mots, tout le monde croyoit que Mōsieur le Gouverneur deust monstrier le pouuoir particulier qu'il à de la Roynne de nous commander, mais puis qu'il ne l'a point fait voir au corps de Ville, ny apporté lettres de sa Majesté, l'on n'estoit pas resolu de luy rendre grāde obēissance: lors ledit Sieur Maire & Sergent major luy remonstrent que puis que nostre pouuoir auoit esté vne fois pu-

blié & enregistré au Greffe, & nous receu & in-
 stalé en ladite charge, qu'il ny auoit point de
 besoin de nouvelles lettres non plus qu'a luy
 d'autres lettres pour le faire recognoistre acces-
 seur, & de fait, ie recogneuz les effets, car en-
 uiron sur la minuit vient me trouuer vn Procu-
 reur de Ponts, nommé Benjamin Esnard accō-
 modé en Sergēt accōpagné de quelque vingt
 mousquetaires & quelques hallebardiers, les-
 quels furent trouuer ledit Sieur Euesque pre-
 mier que de venir parler a moy, apres vient en
 ladite salle, & me dist ces mots : Monseigneur,
 ie viens de la part de deux mille hommes de ce-
 ste Ville, lesquels sont bien marris de la fortune
 qu'auetz couruë, ils s'offrent à vous pour vo-
 stre conseruation, sc̃achant bien qu'estes bon
 seruiteur du Roy & leur Gouverneur, neant-
 moins ils desirent vour obeyr soubz l'autorité
 de Monsieur de Poictiers, & que ne vous mes-
 liez plus de faire de banc dans la Ville, ils sont
 vos seruiteurs & vous recognoistront, desirāt
 toutesfois seruir le Roy a leur fantasie, c'est à
 s̃çauoir de rendre les cheisnes quand bon leur
 semblera au son des tembours de Mondit Sei-
 gneur de Poictiers, qui s̃ōt ses cloches, disāt en-
 cores qu'il y a des traistres dans la ville, du cōseil
 desquels ils ne veulent plus que vous vous ser-

uiez ny les appelliez encores, quelques vns ont
 les principale charge, & que nostre petit Sire le
 Roy auoit du bec sur son manteau, duquel for-
 ce monde se vouloit couvrir & qu'ils ne le vou-
 loient pas souffrir, & continuant les indignitez
 que l'on m'auoit commencées, l'on fist monter
 vn se disant escollier nommé Boux, & qui estoit
 à l'assassinat du Sieur de Latrye, lequel accom-
 pagné de nombre d'escolliers & autres peuples
 & en presence dudit Sieur Euesque me dist a-
 uec blasphemés quãtité de parolles insemblã-
 res & ridicules pour essayer de m'esmouuoir &
 faire parler, mais prattiquant le conseil & le
 voyant des auteurs de la sedition, & que ledit
 Sieur Euesque ne luy faisoit aucunes repriman-
 des, ie me teuz, resolu de souffrir toutes sortes
 d'opprobres & insolences, n'ayant avec moy
 que quatre Gentils-hōmes qui estoient a moy
 armez seulement de l'espee qu'ils auoient au
 costé contre cinq cens personnes de la Ville
 qui estoient audit Eueschié, & pour parfaire
 l'œuure, l'on me fist retirer dans vne Chambre
 pour me coucher, bien que i'incitasse de retour-
 ner à mon logis, où la on mit a ma porte deux
 sentinelles & vn corps de garde au pied de l'es-
 callier, vn autre au jardin ou les fenestres de ma
 chambre regardoient & entendis par ceux qui

les posoient, que si quelqu'un paroïssoit par les fenestres de madite chambre, que l'on le tirast, & deux autres corps de garde, l'un de la cour dans la cour de l'Euesque, & l'autre a la porte dudit Euesché: le lendemain sur les huit ou neuf heures ie demanday à sortir hors la Ville, jugeant ny pouuoir plus rendre de seruice à sa Majesté, me voyant reduit à telle extremité par les artifices dont l'on est cōstumier d'vser en ceste Ville là, où on ne parle plus que d'assassiner & poignarder les personnes, en toutes lesquelles choses le Sieur de la Vacherie Conseiller au Parlement à esté present & de fait pour ma seureté: ie fus conduit apres par le Sieur de la Quielle, Brochard, de la Lande, Mesnay Tresorier de France, Frezeliere, Londigny, le Cheuallier de Fressuis & autres, & bien me print d'estre à pied d'autāt que les baricades estoient en toutes les ruës, & passay souz la faueur de ceux qui me conduisoient, & ose asseurer sa majesté que si l'on m'eust laissé cōduire l'affaire suivant le commandement que i'auois, que i'eusse remis le tout au point que sadite Majesté desiroit, car i'auois jà commencé à disposer les volontez d'un chacun a un mutuel accord & concorde & au peu de temps que ie fus à ladite Ville, ie fis cesser les brigues de la Mairie, & oster

l'esperoir aux deux pretendās pour eslire le Sieur Lieutenant Criminel, l'ayant confirmé que l'intention de leurs Majestez estoit que pour ceste annee il fust Maire, à quoy tous se resolurent d'un consentement si vnanimement que pas vne voix ny billet ny fut au contraire, & eusse aussi facilement accordé leurs particulieres comme ie fis la brigue de la Mairie, ce que desus ie certifie estre veritable, & supplie tres-humblement sa Majesté me permettre de le maintenir enuers tous & contre tous, au peril de ma vie, & pour approbation de ce, i'ay signé le present acte de ma main signé Roannes.

FIN.

Z 1069

99









ML

